

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 4

Ma-usa ka Espiritu sa Ginoo aron Labi Gyong Maespirituhanon

Basahonong Kasulatan: 1 Cor. 6:17-20; 7:17-25, 40

- I. Ang pagkamao sa Bag-ong Tugon mao ang duha ka espiritu—ang diosnong Espiritu ug ang tawhanong espiritu—nga nasagol nga usa ka espiritu—1 Cor. 6:17; Rom. 8:4:**
- A. Ang pulong *nausa* sa 1 Corinto 6:17 nagpasabot sa organicong pagkausa sa mga magtutuo sa Ginoo tungod sa pagtuo nila Kaniya—Juan 3:15-16; 15:4-5.
 - B. Gipakita sa pamulong *usa ka espiritu* ang pagkasagol sa Ginoo nga Espiritu sa atong espiritu—1 Cor. 6:17:
 - 1. Ang espiritu, nga panagsagol sa atong espiritu ug sa Espiritu sa Ginoo aron ma-usa ka espiritu, mao ang Espiritu sa Ginoo ug ang atong espiritu sab—Rom. 8:4; 2 Cor. 3:17; 1 Cor. 15:45; 6:17.
 - 2. Tanang espirituhanong kasinatian nato, sama sa pakig-ambitay nato sa Ginoo, pag-ampo Kaniya, ug pagkinabuhi nato uban Niya, naa ning nasagol nga espiritu.
 - C. Ang pagkausa sa Dios ug tawo pagkausa man sa duha ka espiritu, sa Espiritu sa Dios ug sa espiritu sa tawo (2:11-14); ang pagkausa ning duha ka espiritu maoy labing lalom nga misteryo sa Biblia.
 - D. Ang sentro sa pamatigayon sa Dios mao ang nasagol nga espiritu, ang diosnong Espiritu nga nasagol sa tawhanong espiritu; tanang gitinguhang buhaton o humanon sa Dios may kala-botan ning sentroha—Efe. 3:9, 5; 1:17; 2:22; 4:23; 5:18; 6:18.
 - E. Sa pagka-usa ka espiritu sa Ginoo, makasinati ta Niya nga malangkobon-sa-tanan—1 Cor. 1:2, 24, 30; 2:8, 10; 3:11; 5:7-8; 10:3-4; 11:3; 12:12; 15:20, 47, 45:
 - 1. Mapahimuslan nato si Cristo sa pagkausa nato Kaniya nga usa ka espiritu.
 - 2. Makasinati ta ug makahimo ni Cristo nga atong tanan kay na-usa na man ta ka espiritu Kaniya.
 - 3. Kon na-usa ta ka espiritu sa Ginoo, makapahimulos ta sa pakig-ambitay sa Anak sa Dios, ni Jesucristo nga atong Ginoo—1:9.
 - 4. Sa tanang na-usa ka espiritu sa Ginoo, dili gyod mahurot ang sangkap.
 - F. Ang espiritu sa pagtuo (2 Cor. 4:13) mao ang Espiritu Santo nga nasagol sa atong espiritu; gamiton gyod nato kanang espirituha aron motuo ug mamulong sa mga butang nga nasinati nato sa Ginoo.
 - G. Naa sa atong espiritu ang Espiritu Santo (Rom. 8:16), ug naa sa atong lawas ang atong espiritu; busa, nahimong templo sa Espiritu Santo ang atong lawas (1 Cor. 6:19-20):
 - 1. Ang organicong pagkausa nato sa Ginoo nakapahimong mga bahin ni Cristo sa atong lawas—v. 15.
 - 2. Kay organico man tang nausa ni Cristo ug nagpuyo man si Cristo sa atong espritu (2 Tim. 4:22) ug nagbalay sa atong kasingkasing (Efe. 3:17), nahimong bahin ni Cristo ang tibuok natong pagkatawo, lakip na ang naputling lawas nato.
 - 3. Makita gyod unta nato karon dayon ang panan-awon nga mga bahin ni Cristo ang atong lawas, ug na-usa ta ka espiritu sa Ginoo, ug nga templo sa Espiritu Santo ang atong lawas—1 Cor. 6:15, 17, 19).

- H. Ang nasagol nga espiritu espiritu nga na-usa ka espiritu sa Dios ug sama gyod sa Dios sa kinabuhi ug kinaiya apan dili sa ranggo Niya sa pagka-Dios—1 Juan 5:11; 2 Ped. 1:4:
1. Nasagol pag-usa sa sulod nato ang diosnong Espiritu ug ang tawhanong espiritu aron makakinabuhi ta sa Dios-tawong kinabuhi, sa kinabuhing Dios apan tawo ug tawo apan Dios—Gal. 2:20; Fil. 1:19-21.
 2. Ang pagkinabuhi sa Dios-tawo pagkinabuhi man sa duha ka espiritu, sa Espiritu sa Dios ug sa espiritu sa tawo nga nausa ug nasagol nga usa.

II. Gipasabot sa 1 Corinto 7 ang espiritu sa tawong nahigugma sa Ginoo, nagtagad sa mga tinguha sa Ginoo dinhi sa yuta, bug-os gyong alang sa Ginoo ug nausa sa Ginoo, ug sa tanang bahin masinugtanon, mapasakopon, ug natagbaw sa Dios ug sa mga sirkums-tansyang gipahaluna Niya:

- A. Bug-os gyong nausa sa Dios si Pablo, ug gusto siya nga mausa Niya ang mga magtutuo sa Corinto ug dili magsugod og bisan unsa—vv. 17-24:
- B. Kay hingpit mang nausa sa Ginoo si Pablo, diha-dayon ug walay pagkamatikod nga gipadayag niya ang bug-os nga espiritu sa mga gipanudlo ug mga tubag niya:
1. Maayo kaayo ang espiritu si Pablo, espiritu nga mapasakopon, kontento, ug natagbaw:
 - a. Diha sa iyang espiritu mapasakopon kaayo siya ug nakontento sa iyang sitwasyon.
 - b. Alang niya, gibut-an sa Ginoo ang tanang sitwasyon, ug dili siya mosugod og bisan unsa sa pag-usab niini.
 2. Kay ingon niini man ang espiritu ni Pablo, makatubag siya sa mga taga-Corinto sa tubag nga makatabang sab nila nga mausa sa Dios sa ilang sitwasyon—v. 24.

III. Kay nausa man sa Ginoo si Pablo, sa pagpamulong niya, namulong ang Ginoo uban niya; busa, sa 1 Corinto 7 naa tay sumbanan sa prinsipyo sa pagpakatawo sa Bag-ong Tugon—vv. 10, 12, 25, 40:

- A. Ang prinsipyo sa pagpakatawo mao nga nisulod ang Dios sa tawo ug gisagol ang Iyang Kaugalingon sa tawo aron mausa ang tawo Kaniya; sa ingon niana, naa sa tawo ang Dios ug naa sa Dios ang tawo—Juan 15:4-5:
1. Sa Bag-ong Tugon nausa ang Ginoo sa Iyang mga apostol, ug nausa sila Niya ug namulong uban Niya; tungod niana, nahimong pulong nila ang pulong Niya, ug tanang gipamulong nila pulong gyod Niya.
 2. Ang prinsipyo sa Daang Tugon sa pagpamulong alang sa Dios mao ang “Niingon ang Ginoo” (Isa. 10:24; Jer. 2:2); ang prinsipyo sa pagpakatawo sa Bag-ong Tugon mao ang “Nagsugo ko [ang namulong]” (1 Cor. 7:10), kay nausa man ang namulong ug ang Ginoo.
- B. Gisulat ni Pablo ang 1 Corinto 7 diha sa prinsipyo sa pagpakatawo:
1. Ang prinsipyo sa versiculo 10 sama ra sa prinsipyo sa Galacia 2:20: ang prinsipyo sa pagpakatawo—duha ka tawo nga nagkinabuhi isip usa ka tawo.
 2. Kay nausa man sa Ginoo si Pablo, nasayod siya sa kasingkasing ug hunahuna sa Ginoo.
 3. Nausa sa Ginoo si Pablo hangtod nga sa pagpadayag niya sa iyang opinyon, nagtuo siya nga naa sab siyay Espiritu sa Dios—1 Cor. 7:40.
 4. Sa mga versiculo 25 ug 40 makita nato ang kinalabwang pagkaespirituhanon—ang pagkaespirituhanon sa tawong nausa sa Ginoo ug natuhopan Niya nga bisan ang iyang opinyon nagpadayag man sa hunahuna sa Ginoo.
 5. Kon nasuropan ta sa Espiritu, mapadayag nato ang atong hunahuna, apan iya sab kini sa Ginoo kay nausa man ta Niya—6:17.